



# ARUBA ANSE COURANT



Diario



pa Aruba



Instala Aireacon-  
dicionado na bo  
cas AWOR!



Tel. 2170

ANJA 21

DIALUNA 25 DI APRIL 1960

Nr. 3719

## Impresionnan cu ministro Korthals a hanja

durante su bishita di orientacion na  
Antillas i Surnam

Schiphol, 24 april — Vice-prome ministro Korthals di Hulanda a regresa awe merdia Schiphol di su bishita di orientacion na Antillas Neerlandes y Surnam. Tres siman largu senyor Korthals, acompaña pa senyor Jonkers, hefe di su gabinete, y ir Maris, director general di rijkswaterstaat, a pone nan mes na altura di e proyectonan na Antillas y Surnam pa extende e base economi-  
co na e paisnan aki.

Na su yegada na Schiphol, senyor Korthals a declara, cu su estadia tan-  
tu na Surnam como na Antillas tabata  
un éxito. „Nos a weta hopi cos, y  
nos a papia cu masha hopi hende,  
tambe cu esnan, cu no ta di acuerdo  
cu politica di gobierno”.


Tocante su bishita na Antillas, sen-  
yor Korthals a observa, cu gobierno  
di e paisnan aki a mustré tur cos, cu  
ta vale la pena pa weta. El a bishita  
tur e seis islanan.

Un di e puntonan principal ta, se-  
gun ministro Korthals, e proyectonan  
pa Bonaire y e tres islanan di Isla  
Aruba Saba St. Eustatius y Sint Maar-  
ten. „E islanan aki mas pronto posi-  
bel mester ser haci adecuado pa e  
cantidad grandi di turista, cu ta sali  
di Estados Unidos”, ministro Korthals  
a declara. „Esaki ta un tarea pa go-  
bierno y pa iniciativa particular. Go-  
bierno tin e obligacion pa sorcu pa  
construccion di carretera, muelles den  
haf y aeropuerto. Solamente di tal  
manera ta existi posibilidadnan pa tu-  
rismo riba e islanan ey”.

E problemanan aki ta presente tam-  
be na Corsou y Aruba. Aya tambe  
mester mehora e aeroportonan y o-  
tro proyectonan. Nos a ser hopi im-  
presiona pa e energia, cu cual nan ta  
considera e problemanan aki na An-  
tillas”, senyor Korthals a declara.

Cu gobierno di Antillas senyor Kor-  
thals a discutí tambe e „Algeme-  
ne

Maatregel van Rijksbestuur”, a ba-  
se di cual e diputadonan a ser retira  
y poder a ser entregu den man di ge-  
zaghebber. Oposicion tambe a expo-  
ne su punto di bista na ministro Kor-  
thals. Segun opinion di ministro Kor-  
thals, e eleccionnan nobo no ta e ma-  
nera apropiada pa yega na un solucion  
den e asunto aki. Mayoría y minoría  
mester trata na restaura e relacion-  
nan normal.



Vice-premier Korthals

E bishita di ministro Korthals na  
Antillas a dura dos seman.

## Preguntas di miembro di Staten Lopez encuanto un conbenio

WILLEMSTAD — E miembro di Sta-  
ten di Antillas Hulandes H. I. Lopez,  
segun articulo 50 di e Reglamento di  
Orden di Staten di Antillas Hulandes a  
puntra ministro di Justicia lo siguiente:  
1) E ministro kier tuma nota di e con-  
tendo di e siguiente conbenio?

„Conbenio  
Senyor P. Croes, Deputado di territo-  
rio Insular di Aruba y e Partido Patrio-  
tico Arubano, cual ultimo ta representa  
den e conbenio aki pa senyores J. E.  
Yrausquin, I. S. de Cuba, E. O. Petro-  
nia y O. S. Henriquez ta conbeni lo si-

guiente:  
cu consentimiento di e gobierno insular  
di Aruba senyor Croes lo haci un dien-  
streis (viahe pa asuntonan di trabau —  
red.) pa Hulanda, na unda cuminzando  
1 november 1958 el lo cuminsa sigi un  
estudio riba terreno di Cuido Social y  
Asuntonan di Trabau, etc. etc. pa e  
termino di por lo menos seis luna;  
Cu senyor Croes lo acepta e dienstreis  
aki cu e encargo ya menciona pa e ter-  
mino menciona y cu el lo sigi su estudio  
sin stop, alomenos lo sigi e estudio aki  
pa seis luna na Hulanda;

Cu senyor Croes na su yegada na Hu-  
landa lo pone su mes en contacto cu e  
Ministro Plenipotenciario di Antillas  
Hulandes na Den Haag y cu en conec-  
cion cu su estudio y su estadia na Hu-  
landa el lo sigi instruccionnan di e Mi-  
nistro Plenipotenciario y den dentas  
usuntonan cu lo presenta lo drenta den  
deliberacion cu e funcionario menciona  
of esaki su suplicante;

Cu senyor Croes, prome cu su salida  
pa Hulanda lo entrega por escrito un  
peticion pa retro, como Deputado di e  
Territorio Insular di Aruba, entrante 1  
Juni 1959;

Cu senyor Croes, tambe prome cu su  
salida pa Hulanda, entrega un carta di  
solicitud dirigi na Bestuurscollege di e  
(E ta sigi riba pag. 4)

## Interes Americano pa awa di Antillas

ORANJESTAD — Ayera tardi dos me-  
ricano exper to den destilacion di awa  
a jega na nos isla, pa den dianan aki  
studia e sistema di destilacion di awa  
na Aruba. Ta senyores I. Aandahl, as-  
sistent secretary di Departamento Me-  
ricano pa Asuntonan Interior y Allen  
Sywin, „assistant director of demon-  
stration plants in the office of Saline Wa-  
ter”. Na aeropuerto e senyornan a ser  
recibi pa diputado F. J. Tromp (di wa-  
ter „oorzien” y „dienst”, E. O. / tronía  
(dienst Openbare Werken), ir. S. Faber,  
hefe di Waterverzorgingsdienst, y hefe  
di servicio informativo N. Pina.

Diamars ayor e exper tonan lo sigi  
pa Corsou, na unda nan ta spera tambe  
di bishita e planta di awa. Nan bishita  
na conecion cu plannan di gobierno  
Mericano pa pronto cuminsa cu con-  
struccion di tres planta grandi pa des-  
tilacion di awa.

## SIETE ANJA PA RUMAN CU A BATA RUMAN

ORANJESTAD — A.R. di Santa Cruz  
kende anja-pasa a maltrata su ruman  
cu no tabata muchu bon di cabez, cu  
un sker y palu, di tal manera cu e ru-  
man a muri poco ratu despues, diabi-  
erne u.p. a keda sentencie.

Huez na prome Instancia a sentencie  
pa siete anja di prison cu descuento.  
Demanda tabata seis anja!

## 3 MEI COMBO NOBO DEN BALI BAR

ORANJESTAD — Dia 3 di mei pro-  
ximo un combo nobo lo cuminsa toca  
den Bali Bar di Aruba Caribbean Hotel.  
Ta e „Allen Keller Trio”, den cual  
Jeanie Parker lo presenta como vocalis-  
ta. Dia 2 di mei pa un cuarto pa seis  
e trio ta jega nos isla.

## HUEZ STENFERT KROESE DEN ACCION

ORANJESTAD — A causa di enferme-  
dad di mr. P. Bondam, huez na Aruba,  
diabierna u.p. e „delitonan” a ser trata  
door di huez J. van Gent, kende spe-  
cialmente pa esaki a bini for di Cor-  
sow. Yamadan-dipolis despues a ser  
atende door di huez interino J. Stenfert  
Kroese, kende cu esaki pa prome bes  
durante rana a duna sentencianan.



Diamars proximo pa un cambio lo ta  
un cantante lo presenta den Kionpin  
Klub di Aruba Caribbean Hotel. Ta  
Arthur Lee Simpkins, kende nos ta mi-  
ra aki riba. No tin duda cu Arthur mester  
ta un bon cantante. Durante ultimo  
cinco anjanan continuamente el a pre-  
senta na Europa.

## HOPI ANIMACION PA STERRIT DI „JUVENTUD CRISTIAN”

ORANJESTAD — Senyor Tony Bulos a  
sali ganador di e autosterrit cu a worde  
organisa diasabra u.p. door di Juventud  
Cristian. E animacion pa e sterrit aki  
tabata hopi grandi, y e cantidad di 48  
auto cu rara bes a worde nota na Aruba  
len un autorit, a sali di e start na St.  
Dominicus College.

E rit agradable aki y te hasta den ho-  
pi sentido un rit instructivo a ser stipu-  
la door di miembronan di un comite cu

FATUM — Tel.: 1845  
Pa tur bo aseguronan

specialmente a worde, forma pa e inten-  
cion aki di Juventud Cristian, den cu  
tabata sres. Flip Solognier (presidente),  
Ito Tromp (secretario), Robu Croes  
(tesorero), Remigio Frank (consciero) y  
Lambie Hubart Hart, Abraham Wild,  
Poffirio Laetz y e presidente di e club  
Ronny Toppenberg. E ruta cu pa tur se-  
guranza un bunta mas a worde con-  
tra la door di hefe di Verkeersafdeling ta-  
bata un poco dino berdad, pero a cui  
na smook.

Presidente Toppenberg pa mas o me-  
nos un cuarto pasa di diesdosor di ano-  
chi a entrega e premionan na e gana-  
dornan Bulos, J. van Bodegom (2do),  
Jan Willem Heutje (3o), J. Mating  
(4o), Van 't Aart (5o) y Z. Tawong  
(poedel).

Basi Ruti tabata yen yen di hende y  
e den oranan di maduga nan a gosa  
riba musica di Sonora del Caribe.

GANA  
P-L-A-C-A



BEBE PEPSI

„Look under the Crown”

Het meest  
welsprekende  
geschenk...



Parker 61 de vulpen met  
capillaire werking

Het precies rake geschenk te vinden behoelt geen  
probleem te zijn. Denkt U maar eens aan de allermooiste  
Parker pen! De Parker 61 geeft U ten geschenke met  
de volledige zekerheid dat U er grote, blijvende dankbaar-  
heid mee oogst... en dat het spreekt van de achting,  
die U voor de gelukkige ontvanger hebt. Zodra U weer  
eens een heel bijzonder geschenk zoekt, laat U dan  
eerst de magnifieke Parker 61 demonstreren - de vol-  
komen nieuwe pen, die zichzelf vult en praktisch lekvrij  
en schokbestendig is. U zult dan begrijpen waarom de  
Parker 61 van alle geschenken het hoogst in aanzien staat.


ZIE NOG VANDAAG DE PARKER 61 - 8 MODELLEN TE  
UWER KEUZE - ALLE MET BIJPASSENDE VULPOTLODEN

ANDERE PARKER MODELLEN...  
VOOR UZELF OF OM TE GEVEN:

Parker 61 Custom - een bijzonder luxueus geschenk

Parker "51" - wereldberoemd om zijn  
vorm en schrijfperfectie

Parker SUPER "21" - zeer bescheiden geprijsd




PRODUKTEN VAN DE PARKER PEN COMPANY

PALAIS ROYAL ARUBA N.V.

ORANJESTAD

SAN NICLAS



Nescafé...  
of course,

It gives you

delightful roaster-fresh coffee: just NESCAFÉ, hot  
water or milk... then sit back, and enjoy it!

Every time, a really good cup: for a pleasant "lift" and  
roaster-fresh taste in your cup, NESCAFÉ's the coffee!

It's honest-to-goodness coffee, exactly right in your  
cup: NESCAFÉ is simply the result of a skillful blending of choice coffee  
beans, roasted to perfection, carefully "home-brewed": so convenient,  
so economical.

Deeply satisfying, delightful roaster-fresh coffee

NESCAFÉ

blended and roasted  
... to your taste

get it at your grocer's





# „Landsburgerschap” y preparacion na Surnam

Minister Essed na e Surimajonan:

## Nos tin respect pa boso valor y atrevimiento

ORANJESTAD — „Nos no mester crea un Statuut solamente sino haciela bibe tambe. Pa e motibo aki mester tin mas contacto — cu te ainda tabatin — entre e miembronan di parlamento di e Tres partinan di Reinado”, asina e Prome Ministro di Surnam S. D. Emanuel a bisa durante su discurso na e Surimajonan den Club Surnam dos siman pasa na San Nicolaas. „Surnam y Antillas Hulandes mester cuminsa hunga un papel mas importante den e contactonan internacioal di Reinado.

E delegacion di state y gobierno di Surnam no a salta Aruba durante su viahe grandi di orietacion, cu lo haba nan via Antilla pa Estados Unidos, despues pa Hulanda, y di aki pa Ghana (Sur Africa) cu recientemente a bira independiente, y adan te na India. Mester nos a constata durante nos reciente bishita na Surnam y awor tambe, e lidernan di loke nos kier jama „E Surnam Nobu” tin algo di profetanan di den Bijbel.

Personan cu ta te i liguebrantable den e cosnan cu nan ta spera pa entre den futuro, riba e limite di expectativa di e hende comun. Personan cu tambe cu no por stop di papia riba e imposible, ta e cual nan ta kere eba. E lidernan Surnam di 1960 tin un mensahe pa trece, ta jor di planin y nan ta bida di un te inquebrantable dea e pais di promesa, cu ta keda tras di e mead di Amazonas y e cer-

lider di fraccion di Progressive Surinamse Volkspartij: mr. H. Heidweil-der di e mesun partido: Just Reas (e no a bisi Aruba) di N.P.S. y como secretario di e delegacion Chris Calor, den bida diario sub-director di e Departamento di Desarollo.

### Surnamenjonan ta sinti hopi pa nacionalismo

Senior Emile Goedhoop, presidente di Club Surnam a duca e delegacion un caloroso bonbini den e sala cu tabata completamente jor. E bonbiniad serio di e gobierno di Surnam, pa trece tur Surnamenjon for di cual parti di mundo cu ta, den loke nan ta haciendo actualmente na e patria ta mustr for di e hecho, cu den cuater luna nos a hanta bishita di 6 ministro Surnamenjon. Despues di esaki ministro Emanuel a hanta palabran. Esaki ta cuminsa pa bisi no menos orgulloso cu e Surnamenjonan ta pertenece na e personan cu mas ta stima nacionalismo na mundo. E ministro a papia detalladamente di e progreso, cu por worde constata actualmente riba diferente terenos.

Pa cuminsa nos ta hanta e aumento di e poblacion di cual ta actualmente 47% hau di 14 anja. E aumento grandi aki ta trece hopi responsabilidad pa un gobierno, pasobra e cantidad di muchanan aki mester hanta un cos di haci aki poco anja mas mester worde prepara pa pilarnan fuerte cu den futuro mester bin goberna Surnam. Pa loke ta toca e progreso economico mr. Emanuel ta observa, cu e lucha di e gobierno ta pa haci Surnam independiente di e produccion di bauxiet cu actualmente ta e unico fuente riba cual e economia di e pais ta depende. Riba crecimiento di karakter di pueblo y pais e orador ta bisa „con na Surnam actualmente e gruponan na mundo gracias a Dios ta trahando, na paz cu otro”. E formacion di un nacion ta un demanda pa e progreso di e pais. Ta pesey nos ta lucha pa nacionalismo positivo: na labor di Surnam, sin di bai contra e otronan. E pesamento positivo aki ta actualmente hopi notabile na Surnam.

### Chens pareu pa tur hende

En conexion cu e Surnamenjonan cu ta bida den exterior e premier a bisa cu na Surnam a haci un arreglo pa nan, cu ora nan bini cu vacacion na nan patria e servicio Informativo di Gobierno lo tene un excursion na e projectionan grandi y lo tene un lectura riba esaki.

Ademas ministro Emanuel tin den

su Departamento di Asuntonan Social un abnitenaar cu ta encarga especialmente pa duna contesta na preguntan y resolve problemnan cu Surnamenjonan for di exterior cu lo worde presenta na nan. „Nos no a lubida bosenan”, asina e ministro a bisa, y tambe el a splica cu e Surnamenjonan den exterior tin e mesun checunan riba terenos na Surnam, cu nan paisnanon cu ta bida den Surnam mes.

„Ora cu nos mester di personal e avisonan di gobernan ta sali den e corantnan na Antillas tambe y boso sollicitacion tin e mesun checos cu e otronan”. „Si e Antillanjonan tambe por rectifica riba e avisonan aki. E hospitalidad cu e Surnamenjonan a hanta aki, nos kier responde cu un hospitalidad mes grandi na Surnam.”

Na final e orador a suplica e Surnamenjonan pa compra e certificadonan pa desarollo di Surnam of compra tambe accionnan dea e companianan di inversion di particulanan.

„Na e manera ey nos por ta sigui cu un cantidad basta regular di accionnan den industrianan nobo pa Surnam lo keda den man di Surnam.”

### Ensan cu ta contra ta bai afor

Mr. Coen Ooffi, (PSV) a mustra di ta un orador ingenioso. E tabata palabranan di elogio pa e Statuut. „Un union den reinado ta bon. Sin embargo nos mester cambia opinionnan mas taato cu ta posibel riba e autonomia di ensan cu ta forma Reinado”. „Nos mester hanta mas derecho den asuntonan di reinado y e relacionan di Reinado den exterior”. E derechonan insuficiente den asuntonan di Reinado, Surnam ta hanta como un freno, (principalmente riba e plano economico). Asina ta cu sengun e reglanan actual Surnam no por sera prestamonan for di exterior riba su mes. Senior Ooffi ta bisa clarimente cu mester bini cambio aki dea. Papiando ariba e nacionalismo grandi cu ta creciendo den e pais el a bisa: „nos kier nacionalismo, pero sin embargo sin revolucion. Algun cu kier haci mal uso pa nan mes di e nacionalismo cu ta creciendo ta hanta e goberno contra nan. Nos kier un nacionalismo sano y filosofico”. Con rapido e desarollo den e bida politica di Surnam ta tumando lugar ta keda demostra segun mr. Ooffi, den e delegacion, dea cual contrincantenan politico a jega na e nivel, cu nan por sali for di nan pais como un bloque conforme y solido.

### Awor hechonan huiciao

Senior Lachmon (V.H.P.) no a desmentar su decendencia, su moda di peasa tipicamente oriental a keda clarmente denostia den su charla, cual el a cuminsa cu un dicho filosofico: „Tur loke un hende kier lo socode un dia”. Cu esaki e kier a meen claramente riba realizacion di e Statuut; e indepedencia, favoreablemente anabela pa siglecan, a bria un hecho aki den nan. E orador a mustra con directamente despues di e Statuut e diferente gruponan di e poblacion a trata na hanta cada un e libertad di mas grandi, pero con door di esaki e nacion a worde perjudicia y e progreso a keda ataza. Despues di e hechonan sin pensa aki, a bini hechonan huiciao di e lidernan: „Mi a bisa: mi estimado Pengel nos mester bira ruman”.

Masha contento senior Lachmon a papia riba e hermandad cu a sigi despues di decision aki. „E Hindustaninan a duna e Creolnan un man. Ta algo dushi pa mira e proceso di e asimilacion di e grupo nan aki di cerca”.

E orador a trece pa dilanti con e projectionan grandi di Surnam ta basa tambe riba e politica di hermandad aki y cu ta dirigi pa duna cada un di e gruponan di poblacion un existencia digno y humano. Na e Surnam bida den Antillas el a duna e concho: „Boso tin derecho di nacimento na Surnam. Yuda cu desarollo di Surnam”.

### Oost-West aki na un anja y mei

E ministro di Desarollo, Frank Essed un gigante di un homber, a subi e escenario trompeando y a principia su discurso, bou harimato di tur e hendenan cu a spanta, cu e palabranan „si damas y caballeros, e bida ta un acal y lumbra”.

E orador aki tampoco no por a laga di trece pudilanti e indepedencia di e pais: „Esin cu mishi cu nos indepedencia ta hanta e goberno en contra di nan”. Despues el a duna un corto explicacion di desarollo di e Tien Jaren Plan. Si na Aruba nos ta costumbra na papia di area y algun hectarea di terra e ministro aki a papia di mas di diezmiel hectarea di terreno pa traha eas cu nan a realiza y ta realizando aida. En cuanto e afamado comunicacion Oost-West el a sabi di conta cu esaki lo ta cla pa trafico aki na 1 anja y mei. Pruebanan haci door di Van Gelder cu algun palo di pino cu el a importa for di territorio den Caribe ta haci e expectacion, cu Surnam por bin hanta den futuro (aki bini anja) un propio fabrica di papel. Dirigiendo su mes especialmente na e Surnamenjonan den Antillas dr. Essed a suplica: „Nos tin respect pa boso valor y atrevimiento. Bou di circunstancianan difcil boso a busca un bida den exterior. Tuma awor for di nos e institucion positivo: Na un mihor progreso, un Surnam mas grandi y indepedencia completo”.

„Nos no por a warda mas”

E ultimo orador tabata senior Jo-

pie Pengel, (N.P.S.) cu net parti mainta di e dia aki a hanta noticia cu su tata a muri na Surnam. „Nos tur tabata sabi cu mi tata tabata hopi malo y conhuntamente e delegacion a decide na spera algun dia mas, y cuminsa cu viaha riba Diadomingo maske con e situacion lo ta. Interesnan vital di e pais ta depende di e bon exito di e delegacion aki”. „Na interes di e pais nos no por a warda mas leuw cu diadomingo” segun senior Pengel, y pa kende lo a tabata facil di bandona e cama di morto di su tata pa su patria. Senior Pengel a notifica con e intento di e delegacion aki ta pa crea lazonan den exterior pa desarollo di progreso di Surnam.

### Hopi pregunta

Despues di pauza a bini e preguntanan cu a worde contesta door di ministro Emanuel, basta cu nan no tin di haber cu asuntonan mucho personal.

Tocante e sucesonan na Sur Africa e premier solamente kier a bisa, cu e goberno di Surnam no ta di acuerdo cu e modonan di proceder ayawia y cu e goberno no tin intencion di seonde su opinion tocante e sucesonan aki. Riba e otro pregunta e ministro a manifesta cu muchanan na Antillas di parientenan Surnam lo tin na Surnam e mesun derechonan den mayonan y cu un proyecto di un decreto di ley pa cuidaia Surnamenjon ta cla caba pa entrega na Staten.

„Ta existi un coordinacion formal entre e goberno, tanto di Surnam como di Antillas, pa loke ta toca e „planning” riba tereno economico. Un delegacion comercial di Surnam”, maneja e ministro a bisa, lo bishita Antillas dentro di muy poco tempo, y vice-versa esaki lo socode tambe muy pronto.

Mester bini mas relacionan comercial entre e dos partinan di Reinado aki. E „bottle neck” ta aida tabata e navegacion pero ambos gobernan ta studiando un solucion pa e problema aki.

Na mi viahe di regreso lo mi papia mas tocante esaki cu ministro „Eon”. Mas lat e ministro a observa e conecccion cu esaki: „E tarifaan alto di navegacion pa Surnam ta un asunt oeu mester worde studia seriamente”.

E prijs di e mercaderia cu nan ta importa na Surnam ta masha pica, esaki a consecuencia di prijsnan alto di flete”.

Pa loke ta toca e atentad, riba bida di senior Pengel e ministro ta duna como su opinion cu esaki sigur sigur no tabata un broma di muchanan buldado. „Esaki ta resulta for di e acusacionnan cu P.G. a laga publica dea prensa”. For di e contesta riba un otro pregunta a sali na cla, loke ya a ser bisi mas di un bisha durante e aochi ki: „Ta intencion cu e figura di e statuto orde palabran cu e gobernan cu ta forma Reinado. Surnam kier sabi na unda e ta para. Encuanto inmigracion na Surnam te aida na tin relacion definitivo pa esaki, pero e Surnamenjonan cu ta regresa lo tin semper preferencia”.

### Pronto servicio obligatorio?

„Ta bini un servicio obligatorio na Surnam? Un di e presentenan ta puntra. Na cumzamento senior Emanuel a hari, pero despues el a admiti: „E pregunta aki ta correcto, door di servicio obligatorio e muchanan ta siña disciplina”.

E asunto tin e interes serio di e goberno. Ta muy probable cu deater di poco tempo boso tende mas di esaki”. Na e Surnamenjonan cu kier compra terra na Surnam e ministro a duna e concho di no compra terra caro for di particularnan, pero di haci uso di e facilidanan cu goberno ta ofree e compra por ejemplo terranan na erfpacht of casnan di pueblo. Dos miljon e goberno a reserva pa projectionan pa construccia di casnan di pueblo.

### Gradicimento na Gezaghhebbel

Na final di e aochi ministro Emanuel na comber di goberno y e Surnamenjonan a entrega na gezaghhebbel F.J.C. Beaulieu, como prueba di apreio pa e hospitalidad cu Aruba a ofreece e Surnamenjonan, un feteta di dashi. „Awor anto mi tambe ta donjo di un pida ebikito di Surnam”, senior Beaulieu a exclama sorprendi.

„Bosonan por conta cu cooperacion di e pida aki di Antillas Hulandes en relacion cu Reinado.”


Diahuebs, dos siman pasa, senior Harry Dijkstra, sub-hefe di Servicio Informativo di Surnam, pa parti di aochi a tene un lectura den club Surnam over di „Opbouwcertificaten” (certificadonan pa desarollo di Surnam), y durante eul discurso senior Emanuel a bisa: „Matianan na spaata, bosonan tambe lo hanta suficiente oportunidad pa compra e certificadonan aki. Diarazon e miembronan di delegacion Pengel y Lachmon a sali pa Surnam pa atende entiero di tata di esun preme mencionada. Despues nan, huntu cu senior Reas, lo sali pa e ruta parti zuid pa Hulanda pa ayayana nan bolhe-contra cu e delegacion.

**HBU HBU**

**Ook voor U:  
de HBU**

**HOLLANDSCHE BANK-UNIE N.V.**

WILLEMSTAD • TELEFOON 11340  
ORANJESTAD • TELEFOON 1200  
SAN NICOLAAS • TELEFOON 5290



**BASEBALL!**

**WILHELMINA STADION**

**AWENOCHI PA 8.00'OR**

**SCHLITZ GIANTS vs. MARLBORO**

(A-KLASSE)

**Entrada Fl. 1.— y Fl. 0.50**

Laagste tarief naar

# NEW YORK

Geregelde vluchten met Super DC-6B, voorzien van Radar

## 6550\*

voor de lage prijs van

per vlucht bij retour STOP-OVER

MOETEN 11 SAN JUAN VLUCHT 1960



**Aruba—San Juan 25<sup>00</sup> enkele reis**

Zie Uw reisbureau of telefoneer: 2700

## TRANS CARIBBEAN AIRWAYS

Beatrix Luchthaven

\*van Maandag tot Donderdag vluchten, voor 10-dagen excursie

# Otro Oferta Fantastico di ACE

**UN BUNITA TOBO CHIQUITO DI PLASTIC, PA MIL Y UN USO, UN OFERTA DI**

## Ace y GLEEM



**Imaginá Bo!**

E atractivo tobo chiquito aki lo costa normalmente por lo menos tres bez mas tantu. E ta basta grandi, y su rand ta extra fuerte. Mas fuerte, mas seguro. E ta bini den diferente color atractivo.

**SOLAMENTE 80 CEN** cu 3 tapa di ACE y 1 cajita bashi di pasta di diente GLEEM. Ki tamaño cu ta.

Busca esun di Bo na



**GLEEM**



**Ace**

**CORSOW Mensing & Co**  
Arriba di Hollandsche Boekhandel

**ARUBA**  
Mansur Trading Co  
Oranjestad 6 San Nicalas

Percura pa busca Bo tobo chiquito di plastic di ACE y GLEEM prame cu nan caba. E cantidad ta limita.







# EL CISCO KID

1. "Caramba... mira con lo tira mi amigo abau..."  
2. "No... no... solamente mi kiera a haci un pregunta..."  
3. "Pakiko tur e cosnan aki?"



# JUAN EL INTREPIDO

1. "Na e sonida di e motor mi por constata cu mi ta den un jet... di kende lo e ta?... y unda nan ta bai hibami?"  
2. "Y durante e vuelo... E ta parece un avion militar... un bomber of di transporte..."  
3. "Bo mester tin sed. no?... Nos ta bai traha un dushi thee Tibetano cu manteca rancia den dje..."  
4. "Oel. No, danki... Eh, kiko boso nan tin idea di haci?"



# DICK TRACY

1. "Esaki nan ta boeki di Flyface?"  
2. "Si, desde un principio e tabatin boeki den su cel. E tabata lesa continuamente..."  
3. "...y cuakier cos kima, hasta papel por ta venenoso..."  
4. "Absolutamente. Sam, pero no pa mata..."  
5. "E gas aki aparentemente tabata mortal..."  
6. "Hum? e blachinan di boeki aki ta parece manera cu nan a rancia nan..."



# RIP KIRBY

1. "Bucanero" ta drenta sin cu e hendenan di "Mal di Ojo" a mirele. 2. Y un grupo di nan ta baha den un lancha... 4. "Perfecto. Awor nos ta warda nan saka e tesoro y despues nos ta coge fel nan..."



# EL PRECIO DEL TRIUNFO

1. Baron Rondiye ta un hombre poderoso den circulo financiero Europeo. Sr. Saxoni E ta respetado, e ta odiado, y busea! 2. "Pero e ta emplea medio torcido pa logra su fin! No ta basta cu e triunfa cu su fortuna y su poder... solamente e ta goza e victoria ora e derrota aviesamente su adversario of humile!"  
3. "Ainda mi no sa paucio ho queri Sr. Archer, pero lo bo hanje... y lo e apata bo ora bo haci!"



# EL DIARIO DE UNA VIDA

1. "Pero, papa... quera ta cuida bo?"  
2. "Mi a mira pa mi mes hopi promer cu bo a nace, mi jiu..."  
3. "Dispensa cu bo ta pura bo, senior Jones... pero mi tin hopi di haci. Start e motor, Henry!"  
4. "Si, senior..."  
5. "Mi no ta comprende nada di esaki..."  
6. "Eun cu ta comprende bon ta Troy Ulbeck... y esey ta bastante!"



# PEPITA

1. "Na unda nos esposanan ta awe?"  
2. "Mi no so... mi no a mira ningu di nan..."  
3. "Lo nan ta masha ocupa cu nan trabau di cas..."  
4. "Un bon chance pa hunga carta den garage di Eddie!"



## Sint Jorisdag: Geechi Pietersz a keda instala como Ou Baas



ORANJESTAD. — Almoecienier pader Van Seys a duna su bendicion prome cu groepsleider Rosendo Tromp a instala Miguel (Geechi) Pietersz como Ou Baas di St. Franciscus groep diasabra anochi.

E pida terreno mei-mei di e terreno bieuu y esun nobo di R.C.A. a sirbi ariba e anochi como punto di reunion di St. Franciscus Groep di Oranjestad. Tres instalacion a tuma lugar e anochi aki, y di cual esun mas importante tabata instalacion di Geechi Pietersz.

Groepsleider Rosendo Tromp a habri e kampvuur y despues pader almoecienier Van Seys a bendiciona esaki, y mes ora nan a cuminsa cu e ceremonianan. Geechi Pietersz, kende tabata dos anja voortrekker di e organisacion di N.P.V. y e ultimo dos anjanan voortrekker di St. Franciscus Groep di R.K.V. (Roms Katholiek Verkennerij), cu un cara serio, sabiendo e responsabilidad di e nombramento aki, despues di a haci su huramento a tuma e bendicion for di e almoecienier, groepsleider Rosendo Tromp a pone e schouderpassanten, insignas y e dushi na su camisa. Cu esaki Geechi Pietersz a keda instala como Ou Baas di St. Franciscus Groep, e grupo di mas Bieuu di R.K.V. Hopman Rafael Tromp a encargue cu instalacion di Elmer Pietersz, pa un coincidencia el a worde instala riba e mes dia cu su ruman grandi Geechi y Rafael Blume como verkenner. Pader almoecienier a tene un discurso cortico den su mihor papamentu y a bisa cu porfin porfin St. Franciscus groep a hanja un Ou Baas. E pader a manifesta cu ta masha dificil pa un hende hanja e Ou Baas na su cas. El ta un persona cu ta dedica masha hopi di su tempo liber na yuda deporte y otro organisacionnan. Pader Van Seys a duna Geechi y su senjora, cu tambe tabata presente masha masha pabien cu e nombramento aki. "Mi ta parti caramel, pro mi no ta duna diente nobo si", e pader a bisa. Rato despues tur hende tabata lueha cu nan caramel bou cantamentu di e padvindersmars: "Hoor Zegt Het Vort". Rond di e kampvuur nan a canta "Marchemos" un composicion di hopman Rafael Tromp. Na final e almoecienier a tene un oracion y a duna su bendicion. Nan a sera e kampvuur manera costumbr cu e "Maria Lied".

## DIRECTIVA NOBO DI AMERICAN LEGION

ORANJESTAD. — Siman pasa American Legion na Seroe Colorado a tene un eleccion pa un directiva nobo den cual awor a banja puesto senjores John L. Patterson (commandant), William D. Casey (promer commandant interino), Jack V. Eder (2do commandant interino), Charlie Miannay (adjunt), Jack Payton (betaalmester), Larry T. Morton (oficial di serv. interior), James M. Maxey (sargento instructor) y sra. Betty Johnson (geestelijk verzorgster). E miembronan di directiva nobo dia 17 di mei lo worde instala.

## Petrona & Croes

Dakota - tel: 1712-1639  
PA TUR CONSTRUCCION,  
RAPIDO Y MIHOR

## CELOTEX

No tin lugar cu por bati PRIJS  
SERVICIO Y CALIDAD di  
Aruba Trading Company

Na e momento aki Miguel (Geechi) Pietersz tabata haciendo e huramento di e verkennerman cerca groepsleider Rosendo Tromp. Huntu cu nan ta pader almoecienier Van Seys.

## CONSECUENCIA DI BISHITA DI PILOTAN CUBANO: Castigo severo recomenda pa accion contra pais amigo

WILLEMSTAD. — Si Staten di Antillas Hulandes bai di acuerdo cu e proyecto di ministro R.J. Isa, anto actividadnan ilegal contra un pais amigo den futuro lo por worde condena cu un castigo di prison maximo di diez anja. Esaki a sali for di un proyecto manda pa Staten pa un decreto pa cambia eCodigo Penal di Antillas Hulandes. Manera ta conoci nan ta hanja cu mas prevencionnan ta necesario pa motibo di e incidentenan anja pasa cu e dos aviadoran Cubano, y cual a trece un protesta fuerte di parti di Venezuela. Den e memorie van toelichting nan ta nota, cu e proyecto aki ta traha cu e intencion pa actua na tempo y cu forza si ora nan trata door di un revolucion of door un accion cu por hira un revolucion — haciendo uso di e territorio di Antillas Hulandes — di tira e gobierno di un pais amigo abau. Pa keda mas tanto posible pafor di sorto di conflictonan asina, ta necesario pa menasa cu straf un Antilliano tambe, cu pafor di e parti di Reinado aki ta tuma parti na accionnan revolucionario.

## UN IDEA DI 500 FLORIN

SEROE COLORADO. — Senior W. C. Keefe a ricibi di e comite di "Coin Your Ideas" di Lago, fl. 500,— pa un bon idea, cu lo spaar e compania hopi placa. Otro ideanan brillanti cu a ser recompensa pa e comite recientemente ta di senjores A. Brown (fl. 200,—) H. E. Abma (fl. 175,—) y N. Chung (fl. 150,—). Pa ideanan cu a ser manda aden durante Februari C.Y.I. a paga total fl. 1,630,—.

## PREGUNTAS DI

(Continuacion di pag. 1)  
territorio Insular di Aruba, pidiendo un empleo na e territorio Insular di Aruba.  
Cu e gobierno di e isla di Aruba en concecion cu e solicitud menciona lo duna na senior Croes, un empleo den vaste dienst di territorio Insular di Aruba, entrante 1 juni 1959, den rango di hefe di departamento, alomenos un puesto cu ta conbeni en esaki.  
Cu senior Croes priminti, y comprometele, cu sin permiso y aprobacion di e directiva Central di Partido Patriotico Arubano el no mishi den accionnan politican den cual forma que sea, ni directamente, ni tampoco mediante mediacion of intervencion di otro.  
Cu senior Croes lo priminti, y comprometele, pa durante e tempo di su estadia na Hulanda abstene su mes di declaracionnan, cu ta en concecion cu politica.  
Asina a worde conbeni y dos biaha firma na Oranjestad, 25 october 1958.  
Partido Patriotico Arubano (w.g.) P. Croes, (w.g.) J. E. Yrausquin, (w.g.) E. O. Petronia (w.g.) I. S. de Cuba (w.g.) O. S. Henriquez.  
2) E ministro no ta kere cu na un banda e prestacion cual senior Croes, e tempo ey deputado di e Territorio Insular di Aruba, a compromete su mes y e con-

tra-pretacionnan otro banda, na cual e Partido Patriotico Arubano, alomenos su representanten den esaki senjores J. E. Yrausquin, I. S. de Cuba, E. O. Petronia y O. S. Henriquez — e tresnan ultimo menciona tambe deputados di e isla di Aruba — segun e conbenio aki no ta trece e elementonan di e delito alomenos esfuerzo na e delito pa cunipa un ambienan den servicio, cu ta castigable segun articulo 183 di Codigo Penal di Antillas Hulandes, of tambe algun hecho cu ta worde considera culpable segun algun difinicion legal?

3) E ministro ta dispuesto pa investiga di e gobierno insular di e territorio insular di Aruba di e tempo ey a duna resultado completo of na un parti sol na e contenido di e conbenio aki?  
4) Y si esaki resulta asina, e Ministro no ta kere cu ta un costumbr cu placamente di comunidad ta worde usa pa comete of yuda comete e hecho castigabel of hechonan castigabel menciona aki riba?  
5) Si e preguntanan aki mester worde contesta afirmativo, anto e Ministro no ta kere cu ta su deber pa bai asina leuw cu e personanan en cuestion worde persigi pa ley?

## HOROSCOOP

**ARIESNAN**  
11 Maart — 20 April  
Luna nobo ta fortifica bo relacionnan financier of priva, cu majornan of chef.

**TAURISNAN**  
21 April — 21 Mei  
Luna nobo ta trece tur bo casonan riba tapete. Amigonan por yuda bo bon den bo plannan.

**GERMINENAN**  
22 Mei — 21 Juni  
Cu luna nobo ta cuminsa un periodo di cuater semman den cual bo tin mester di soiego.

**CANCERNAN**  
22 Juni — 23 Juli  
Luna nobo ta duna bo ocasion pa cerra amistad nobo. Caricia asuntunan di curazon.

**LEONAN**  
24 Juli — 23 Augustus  
Luna nobo ta yuda bo na hanja e atencion den circulan di importancia.

**VIRGONAN**  
24 Augustus — 23 September  
Luna nobo ta ocasiona cambionan den huzgamento y perspectiva y ta influencia plannan.

**LIBRANAN**  
24 September — 23 October  
Luna nobo ta yuda bo den financerianan. Accion na tempo ta bon pa trabao y pa cas.

**SCORPIONAN**  
24 October — 22 November  
Luna nobo ta influencia den e siguiente dos semmanan tur cos cu bo bini na relacion cune.

**SAGITARIUSNAN**  
23 November — 21 December  
Luna nobo ta yuda bo hasta den asuntunan di bo salud. Pone tino tambe riba bo dieta.

**CAPRICORNUSNAN**  
22 December — 20 Januari  
Luna nobo ta yuda bo hasta na hanja mas libertad den semanan venidera.

**ACUARIUSNAN**  
21 Januari — 19 Februari  
Luna nobo ta yuda bo awor y den porvenir na pone fundamentonan pa seguridad di existencia.

**PISCES**  
20 Februari — 20 Maart  
Luna nobo ta trece un numero di cambionan den relacion cu bichia y familia.